

Čielgâkielâ tiedettemčáálus

EUROPARLAMENTVAALJAH 2019

Munejienâstem 15.–21.5.2019

Valjâpeivi pasepeeivi 26.5.2019

Jienâstem lii älkkee!

## Europarlamentvaaljah 2019

Euroop parlament aasât laavâid,  
moh vaikutteh mii piäiválii elimân.  
Parlament meid meerrid EU budjetist.

EU-staatâi aalmugjesâneh väljegeh  
Euroop parlament jesâniid vaaljâin jyehi viidâd ive.  
Vaaljah uárnejuvvojuh puoh EU jeessânstaatâin siämmáá ääigi.

Suomâst valjâpeivi lii pasepeeivi 26.5.  
Munejienâstem lii 15.–21.5.

Suomâst väljejuvvojuh Euroop parlamentân 13 jesânid.  
Iävtukkâsâid pyehtih asättiid piäláduvah já väljeijeeseervih.  
Puoh iävtukkâsah láá iävtukkâssân oles staatâst.

## Kiäst tun finniih iše?

**Valjâvirgeulmuuh rävvejuh tuu jienâstemsaajeest  
munejienâstmist já valjâpeeivi.**

Jienâstemsaajeest lii meid valjâišedeijee.  
Tun puávtáh pivdeđ suu išán jienâstemkoopin,  
jis tun jieš jieš paste tevdiđ jienâstemliipu.

Valjâišedeijen puáhtá toimâđ meid olmooš,  
kiäm tun lah jieš valjim, ovdâmerkkân omâhâš tâi aldaolmooš.  
Valjâišedeijee ij uážu kuittâg leđe iävtukkâs  
tâi iävtukkâs aldaolmooš.  
Valjâišedeijee ij uážu muštâliđ kiässán, ete kiäm tun jienâstih.

# Valjâsyeligâsvuotâ

Juáháš meerrid jieš, ete haaliid-uv jienâstiđ já kiäm jienâst.

Valjâsyeligâsvuotâ uáivild tom,  
ete tun jieš taarbâš muštâliđ kiässán,  
ete kiäm tun jienâstah.

## Kii uázžu jienâstiđ?

Tun puávtáh jienâstiđ Suomâ europarlamentvaaljâin,

- jis tun lah Suomâ aalmugjeessân
- jis tun lah monnii eres EU-staatâ aalmugjeessân já tun lah almottâttâm jienâvuoigâdvuotâregisterân Suomâst 7.3.2019 räi.

Tun uázuh jienâstiđ vaaljâin jo-uv muuneeld tâi valjâpeeivi,  
jis tun tiävdáh 18 ihheed majemustáa valjâpeeivi 26.5.2019.  
Tun puávtáh jienâstiđ tuše oovtâ EU-staatâ europarlamentvaaljâin.

## Almottâs jienâvuoigâdvuodâst puátá pááikán

Jis tust lii vuoigâdvuotâ jienâstiđ, te tunjin puátá tast pááikán reivâ.  
Reeivâst lii jienâvuoigâdvuotâalmottâs,  
mast lii tiätu tuu jienâstemsaajeest valjâpeeivi.  
Mieldi lii meid luvâttállâm munejienâstemsoojijn.

## Kiäm tun puávtáh jienâstiđ?

Jyehi iävtukkâsâst lii jieijâs iävtukkâsnummeer.  
Tun puávtáh jienâstiđ mon peri iävtukkâs Suomâ europarlamentvaaljâin.

Tiäđu iävtukkâsâin tun finnih ovdâmerkkân aavisijn, televisiost tâi internetist.

## Päikkijienâstem

Jis tun lah vaigâdávtt vâdulâš tâi kuhesáigásávt pyeccee,  
te tun puávtáh jienâstiđ muuneeld päihistâd.

Tun koolgah almottâttâđ päikkijienâstmân  
14.5.2019 tijme 16 räi  
tuu jieijâd kieldâ kuávdášvaljâlâvdikoodán.  
Lâvdikode puhelinnummeer lii jienâvuoigâdvuotâalmottâsâst.  
Tun uázuh lâvdikoddeest meid lasetiäđu päikkijienâstmist.

## Návt tun jienâstah muuneeld

Tun puávtáh valjiđ, ete jienâstah-uv valjâpeeivi vâi muuneeld.  
Tun puávtáh jienâstiđ muuneeld 15.–21.5.2019  
mon peri munejienâstemsajeest.

**Vääldi jienâstmân fáárun persovnvuotâtuodâštus,  
ovdâmerkkân passâ, persovnkorttâ tâi vyeijimkorttâ.**

**1 Čääiti persovnvuotâtuodâštus valjâvirgeulmui.**

Virgeolmooš täärhist tom já addel tunjin jienâstemliipu.

**2 Moonâ jienâstemkoopin.**

Čääli jienâstemliipun čielgâsávt  
ton iávtukkâs nummeer, kiâm tun jienâstah.  
Ele čääli jienâstemliipun maiden muide.

**3 Maaccâst jienâstemliipu kaskoo.**

**4 Maacâ valjâvirgeulmuu luus.**

Sun stemppâlist jienâstemliipu  
já addel tunjin ruškis kooveert.  
Piejâ jienâstemliipu kovertân já lijmi kooveert kiddâ.

**5 Valjâvirgeolmooš pividá, ete tun vuáláčáláh luámáttuv.**

Vuáláčalluin tun nonniih,  
ete tun lah jieš tiávdám jienâstemliipu,  
finnim toos stemppâl já toopâm tom kovertân.

**6 Loopâst virgeolmooš tappa valjâkooveert  
já luámáttuv** fiskis vuolgâttâskovertân.

## Návt tun jienâstah valjâpeeivi

**Valjâpeeivi 26.5.2019 jienâstemsajeh  
láá ávus tijme 9–20.**

Täärhist jienâvuoigâdvuotâalmottâsâst, ete kost tuu jienâstemsaje lii.  
Tun puávtáh jienâstiđ tuše ton jienâstemsajeest,  
mii lohá tuu jienâvuoigâdvuotâalmottâsâst.

**Vääldi jienâstmân fáárun persovnvuotâtuodâštus,  
ovdâmerkkân passâ, persovnkorttâ tâi vyeijimkorttâ.**

**1 Čääiti persovnvuotâtuodâštus valjâvirgeulmui.**

Virgeolmooš täärhist tom, ocá tuu noomâ valjâluvâttâlmist  
já addel tunjin jienâstemliipu.

**2 Moonâ jienâstemkoopin.**

Čääli jienâstemliipun čielgâsávt  
ton iávtukkâs nummeer, kiâm tun jienâstah.  
Ele čääli jienâstemliipun maiden muide.

**3 Maaccâst jienâstemliipu kaskoo.**

**4 Maacâ valjâvirgeulmuu luus.**  
Sun stemppâlist jienâstemliipu.

**5 Kooččât tuu jienâstemliipu valjâurnán.**

**Jienâst europarlamentvaaljâin!**

Taan tiedettemčáállusist muštâluvvo čielgâkielân jienâstmist já europarlamentvaaljâin 2019.

Lasetiätu vaaljâin:  
vaalit.fi  
eurovaalit.eu  
selkokeskus.fi

Tun puávtáh kojâdiđ vaaljâin já jienâstmist meid riehtiministeriö palvâlemnumerist 0800 9 4770.